



Pae ora | Iumanai manuia mo Tagatanuu uma i Niu Sila

Faamatalaga Taiala Faavae a le Malo Faasoifua Maloloina 2022–2024

E ngā mātāwaka huri noa, tēnā koutou katoa

E malosi le faavae o la tatou matātā faasoifua maloloina: o galulue ai se aufaigaluega maualuga le agavaa ma e faamaoni, e fesootai ma e naunau e tautua tagata, ma e mafai ona galulue faatasi e faataunuu galuega i taimi o moomia ai. Ae matou te iloa o lo o iai avanoa e faia ai galuega faaleleia ma e moomia ona tatou atiae se lumanai manuia o le faiga faavae faasoifua maloloina e sili atu ona taulimaina galuega mo i tatou uma.

Ua savalia le tele o tausaga, i le tele o taunuuga eseese atoa, o faapena lava ona lē atoatoa ma lē tutusa le tautua ma ua leai ai se manatu mamafa: i tagata Māori, tagata Pasifika, tagata e iai manaoga faapitoa, ma i latou o maua i tulaga lē tutusa ona o tulaga o lo latou soifua maloloina, aganuu, ituaiga tagatanuu, itupa, itupa e faasino i ai, o nofoaga o soifua ma ola ai, o latou tupe maua ma isi tulaga.

E saunia i le faiga faavae fou faasoifua maloloina le avanoa e tali atu ai i faafitauli ua leva ona taatia ma fausia se faavae e tutusa ma le Te Tiriti, e laugatasia uma ai, e maopoopo, ma e faamuamua ai aiga. O le ave ai o se faiga faavae faapenei, o le a maua ai faiga e faatumauina, malosiaga mausali, ma le gafataulimaina, ma e faamautinoaina ai se lumanai mo tupulaga fai mai ma e gafatia ona tali atu i luitau o fofou mai.

E faigofie lava la tatou tofamamao: ia ausia e Tagatanuu Niu Sila se lumanai manuia. O lona uiga o le a faafualoa le soifua ma le ola o tagata ma aiga i le maloloina lelei, siitia tulaga lelei o le soifua maloloina ma tulaga lelei o le soifua, e ave ma tagata maloloina, e faaofia uma ai tagata ma le malosiaga mausali, ma e soifua ma ola i siosiomaga e faatumauina ai lo latou soifua manuia.

O lo o faataoto mai le Faamatalaga Taiala Faavae a le Malo faamoemoega a le Malo i le faiga faavae faasoifua maloloina se faataatiaga o auunaga, taumafaiga ma faiga faapaaga e puipuia, faalauiloa ma faaleleia ai le soifua maloloina ma le soifua manuia, ausia ai tulaga e laugatasia uma ai, ma saunia se lumanai manuia.

E lē mafai ona tatou ausia i se po e tasi: e moomia le lava o le taimi, atinaega ma faalapotopotoga uma ma tagata i totonu o le matātā faasoifua maloloina e autasi i le faamoemoe lenei. O le Faamatalaga Taiala Faavae a le Malo ua faia mo le agai atu i se suiga fou, o le a faataatia mai ai vaega ua ave i ai le faamuamua ma faamoemoega a le Malo mo le uluai lua tausaga o le toefuataiga o le faiga faavae.

Nō reira, tēnā koutou katoa

Andrew Little, Minisita Soifua Maloloina

O le Faamatalaga Taiala Faavae a le Malo ua faia mo le taimi nei e faatonutonu ai le faiga faavae faasoifua maloloina fou ma e saunia ai se faataatiaga o vaega o faamuamua, sini autu, ma faamoemoega mo le faiga faavae faasoifua maloloina lautele i totonu o Aotearoa Niu Sila.

O lo o faataoto mai ai tulaga o faamoemoe i ai le Malo o le a faataunuu ma ausia i totonu o le faiga faavae faasoifua maloloina, faapena foi i auala o le a fua, mata'itu ma lipotia ai tulaga manuia na ausia.

O le Faamatalaga Taiala Faavae a le Malo ua faia mo le taimi nei e taulai lea i le lua tausaga—mai lulai

2022 seia aulia luni 2024—ma e saunia ai le faavae mo se alafua mamao ma taunuuga o faamoemoe i ai ma e ono umi se taimi e faataunuu ai.

O lo o faataatia mai ai foi le New Zealand Health Plan, o lo o faataoto mai ai auala eseese o le a faatino ai e faalapotopotoga eseese vaega ua ave i ai le faamuamua a le Malo ma auunaga faasoifua maloloina mo Tagatanuu uma i Niu Sila.

E maua le faamaumauga atoa o le Faamatalaga Taiala Faavae a le Malo ua faia mo le taimi nei i le upegatafailagi a le Matagaluega o Soifua Maloloina.

Faamuamua autu

E ono vaega autu ua folasia i le Faamatalaga Taiala Faavae a le Malo e limataitaiina ai le faiga faavae faasoifua maloloina ma auala o le faataunuu ai auaunaga.

Ausia tulaga e tutusa ai taunuuga faasoifua maloloina

O tagata e ese o latou manaoga ma tulaga e manuia ai o le a mafai ona maua faiga eseese ma punaoa ina ia tutusa taunuuga faasoifua maloloina latou te maua. O foliga nei o le faiga faavae ua toefuataina e ono molimauiina:

- Taulai galuega i le ausia o tulaga tutusa tau soifua maloloina ma le soifua manuia
- Amanaia aiatatau ma aiaiga e tatau ai ona tali atu i tagata e lei atoatoa ona faia i ai o le tautua

Faatumauiina le maloloina lelei o tagata i totonu o afoaga

Faamuamua auaunaga e talafeagai ma tagata e foia, lagolago ma togafitia ai, e taulai i aiga ma e agatonu ma tu ma agaifanua o tagata—e lata i nofoaga o soifua, galulue ma ola fiafia ai. O foliga nei o le faiga faavae ua toefuataina e ono molimauiina:

- Faaleleia atili le faataunuu o auaunaga faasoifua maloloina uma, e aofia ai le gafatia ona tali atu, auaunaga faatekonolosi, ma fesootaiga i le va o falemai, ma mafai ai ona iloa ma tali atu i eseese e lē tauamiotonuina o faia i tausiga faasoifua maloloina
- E lē o faalavelavea le saunia o auaunaga faasoifua maloloina, ma e lagona e tagata le saogalemu e maua ai tausiga

Faamautinoaina le gafataulimaina o le faatupeina o se faiga faavae faasoifua maloloina

E pulea ma faasoasoia punaoa i se auala e ausia ai tulaga sili i le faitau aofai o tagata i tulaga tau soifua maloloina ma tulaga e tutusa uma ai i totonu o punaoa ma fesoasoani tau tupe o maua, i le taimi nei ma le lumanai. O foliga nei o le faiga faavae ua toefuataina e ono molimauiina:

- Faataunuuina sulga i se auala e tuuaitia ai lamatiaga i tausiga o faatinoina pea
- Faatumauiina vaega ma polokalame o ave i ai le faamuamua

Faamausaliina o le Te Tiriti o Waitangi i le faiga faavae faasoifua maloloina atoa

E mafai e tagata Māori ona faatino lo latou pule i le soifua maloloina ma le soifua manuia o i latou lava ma ausia taunuuga faasoifua maloloina e laugatasia uma ai i auala e mafai ai e tagata Māori ona soifua, tupu ola ma faamanuiaina i lona tulaga o le Māori. O foliga nei o le faiga faavae ua toefuataina e ono molimauiina:

- Faamalosia atili taitaiga ma le faagaioiga o faaiuga fai a tagata Māori
- Siitia le maua o kaupapa Māori ma auaunaga e faamuamua ai aiga

Atiae agavaa o le afaigaluega faasoifua maloloina o le lumanai

Faatupu ma atiae se afaigaluega e mausali le malos, eseese, ma e gafataulimaina ina ia mafai ona tali atu i manaoga o tagata ma aiga ma e ave ma sui vaaia o tagata o faia i ai le tautua. O foliga nei o le faiga faavae ua toefuataina e ono molimauiina:

- Auaunaga e agatonu ma tu ma agaifanua e faavae i luga o te ao Māori
- Tuuaitia aafiaga i le afaigaluega faasoifua maloloina, ma lagolagoina le afaigaluega

Faataatiaga o faavae mo le manuia o le faiga faavae faasoifua maloloina

O se agaifanua ma le taulaiga fou e faavae i le Te Tiriti, ma o le a fausia e faamalosia atili ai le taulai o galuega e foia, puipuia ma faalauiloa le soifua manuia o tagata ma aiga. O foliga nei o le faiga faavae ua toefuataina e ono molimauiina:

- Galulue faatasi faapea ai ma faiga faapaaga ma tagata, ma isi faalapotopotoga
- E atagia i le faiga faavae tagata o faaogāina auaunaga, aiga ma tagata—faaleleia laasaga e tutusa ai faiga e maua ai tausiga lelei ma taunuuga